

朝鮮史料汇编



中国文献珍本丛书

朝鲜史料汇编 (二)

全国图书馆文献缩微复制中心

朝鲜史料汇编总目录

第一册

宣和奉使高丽图经

第二册

高丽史（卷一—卷八）

第三册

高丽史（卷九—卷十八）

第四册

高丽史（卷十九—卷二十八）

第五册

高丽史（卷二十九—卷三十九）

第六册

高丽史（卷四十—卷四十九）

第七册

高丽史(卷五十一—卷五十六)

第八册

高丽史(卷五十七—卷六十六)

第九册

高丽史(卷六十七—卷七十五)

第十册

高丽史(卷七十六—卷八十四)

第十一册

高丽史(卷八十五—卷九十五)

第十二册

高丽史(卷九十六—卷一〇五)

第十三册

高丽史(卷一〇六—卷一一四)

第十四册

高丽史（卷一一五—卷一二七）

第十五册

高丽史（卷一二八—卷一三七）

第十六册

经略复国要编（卷一—卷七）

第十七册

经略复国要编（卷八—后附）

第十八册

两朝平壤录

万历三大征考

惩毖录

征韩伟略

第十九册

朝鲜纪事

使朝鲜录

朝鮮圖說
朝鮮志

第二十冊

朝鮮史略

清乾隆四十八年朝鮮國王咨文

朝鮮國王李琠上清宣宗（道光）表文

朝鮮國王李煥上清宣宗（道光）表文

朝鮮國王李昇上清文宗（咸豐）表文

朝鮮國王李昇上清穆宗（同治）謝表

朝鮮國王李熙上清穆宗（同治）謝表

高麗史一百四十卷明朝鮮正憲大夫工曹判書集賢殿大提學知經筵春秋館事第成均大司成鄭麟趾等三十二人奉教撰以明崇禎二年八月二十五日箋進於其國王者也書專紀王氏一姓故事起後梁貞觀四年戊寅訖明洪武二十六年癸酉凡四百七十五年經緯貫穿具有義法首以系為卷一次世家曰太祖曰惠宗曰定宗曰光宗曰景宗曰成宗曰穆宗曰顯宗曰德宗曰靖宗曰文宗曰順宗曰宣宗曰獻宗曰肅宗曰睿宗曰仁宗曰毅宗曰明宗曰神宗曰熙宗曰肅宗曰高宗曰元宗曰忠烈王曰忠宣王曰忠肅王曰忠惠王曰忠穆王曰忠定王曰恭愍王曰恭讓王計三十二王為卷四十六次志曰天文曰歷曰五行曰地理曰禮曰樂曰輿服曰選舉曰百官曰食貨曰兵曰刑法為卷三十九次年表為卷二次列傳自一至四曰后妃曰宗室自三十四至四十五曰良吏曰忠義曰孝友曰烈女曰方技曰宦者曰酷吏曰嬖幸曰姦臣曰叛逆末繫以辛禍五卷共為卷五十加目錄二卷全書定得百四十卷四庫僅采得世系及后妃傳之半故提要史部載記類存目題作二卷惟據朱彝尊曝書亭集有是書題跋以斷其非全書不知原書在當時已不易覓矣此編仙明時舊鈔本卷數完具都四十冊余以光緒己亥來京師觀於方氏碧琳瑯館兄卷端載朱氏跋二篇有藝尊私印白文及錫堯朱文方章二知為曝書亭舊物因擲拓得三百金煇之以歸為狂喜累日首冊有吳氏有蘭綬堂名字印吳有蘭印白文綬堂朱文及漢唐齋白文長方章二又每冊之首皆有讀史精舍白文及馬氏玉堂易齋名字印馬玉堂印白文易齋朱文其四十九六十八九十一百十六百三十七卷之尾俱有道光辛卯歲武原馬氏漢唐齋收藏書籍鈐記蓋自朱氏散出後又歷歸吳馬二家也朱氏原跋第舉世家志表列傳四目王漁洋居易錄因之皆未計及世系一卷李元雁影齋題跋題作一百三十九卷二但

據朱跋計之實未細檢原書耳憶自庚子春季余乞假歸省而辱禍作亟遣健步冒險出是書取出嗣後迭經辛亥之友及甲寅青島德之戰是書皆在劫域而免於燬而丁巳故里盜起乃幾為灰燼也余之得余是書者亦不知其藏家發之區易也宣統十二年庚申十月壬申朔十八日己丑湘鄉陳毅詒重病中識於天津偽寓之卽廬

四庫全書提要史部載記類存目

高麗史二卷

編修汪如藻家藏本

舊本題正獻大夫工曹判書集賢殿大提學知經筵春秋館事兼成均大司成臣鄭麟趾奉

敕撰考明實錄景泰二年高麗使臣鄭麟趾表進是書於朝凡世宗四十六卷志三十九卷表二卷列傳五十卷目錄

二卷朱英專曝書亭集有是書題跋稱為體例可觀有條不紊此本僅世宗一卷后妃列傳一卷蓋偶存之殘帙昨

完書矣

進高麗史箋

正憲大夫工曹判書集賢殿大提學知經筵春秋館事兼成均大司成臣鄭麟趾等誠惶誠恐稽首稽首

上言竊聞新柯視舊柯以為則後車鑑前車而是懲蓋已往之興亡實將來之勸戒茲紬緇簡敢清

冕旒惟王氏之肇興自泰封以崛起降羅臧濟合三韓而為一家舍遼事唐尊中國而保東土爰革煩苛之政式恢宏遠之規光廟臨軒策士而儒風稍興成宗建祧立社而治具悉備宣讓失御

運祚幾傾顯濟中興之功宗社再定文闡太平
之治民物咸熙迨後嗣之昏迷有權臣之顓恣
擁兵而窺神器一啓於仁廟之時犯順而倒大
阿馴致於毅宗之日由是巨姦迭煽而置君如
碁奕強敵交侵而刈民若草菅順孝定大亂於
危疑僅保祖宗之業忠烈眈群孽於遊宴卒構
父子之嫌且自忠肅以來至於恭愍之世變故
屢作哀微益深根本更感於偽朝歷數竟歸於

真主我

太祖康獻大王

勇智天錫

德業日新

布聖武而亨屯艱克綏黎庶

握貞符而乘乾御肇造邦家顧麗社雖已丘墟其

史策不可蕪沒

命史氏而秉筆倣通鑑之編年及

太宗之繼承

委輔臣以讎校作者非一書竟未成

世宗莊憲大王

通追先猷

載宣大化

謂修史要須該備復開局再令編摩尚紀次之非

箋

三

精且脫漏者亦夥况編年有異于紀傳表志而
叙事未悉其本末始終更

命庸愚俾任纂述凡例皆法于遷史大義悉稟于
聖裁避本紀為世家所以示名分之重降傷卒于列
傳所以嚴僭竊之誅忠佞邪正之彙分制度文
為之類聚統紀不紊年代可稽事迹務盡其詳
明闕謬期就于補正嗟玉署鉉槩之未訖而
鼎湖弓劍之忽遺臣麟趾等誠惶誠恐稽首稽首

恭惟

主上殿下

誕紹宏圖

增光洪烈

惟精惟一

聖學極於高明

王顯王承

至孝彰于繼述

念前史之未就

令微臣以責成臣麟趾等俱以謏才叨承

隆寄採裨官之雜錄發祕府之故藏祇竭三載之

勞勩成一代之史稽遺迹於前代僅能存筆削

之公揭明鑒於後人期不沒善惡之實所撰高

麗史世家四十六卷志三十九卷傳五十卷目

箋

三

錄二卷通計一百三十九卷謹具草成帙隨箋
以

聞無任激切屏營之至臣麟趾等誠惶誠恐稽首稽
首謹言

景泰二年八月二十五日正憲大夫工部判書
集賢殿大提學知經筵春秋館事兼成均大
司成臣鄭麟趾等上箋

高麗史世家四十二卷志三十九卷表二
卷列傳五十卷目錄二卷合計一百三
十九卷國人正憲大夫工曹判書集賢殿
大提學知經筵春秋館事兼成均大司成
鄭麟趾等三十二人編纂以明景泰二年
八月表進并鏤板行于國觀其體例有條
不紊王氏一代之文獻有是徵者卷中樂
志歌辭率本宋裕陵所賜大晟府樂譜若
輿服志載蒙古俗剃頂至額方其形留髮
其中謂之開剃忠烈王四年二月令境內

皆服上國衣冠開剝十六年九月百官始
著笠朝謁此文史所不載至若庚申君遁
走沙漠之役君臣事迹不得而詳高麗間
猶通使稱為北元北元主奔應昌以洪武
三年庚戌四月殂落國人追謚曰惠宗即順
帝也其子嗣立以餘兵走和林十年丁巳遣
使至高麗行宣光年號國人不久後二年又
遣僉院甫非告祀年天元辛禍遣永寧君
王彬往賀相傳立十一年而殂北元謚為昭
宗者也凡此明之載籍皆隱而不書籍其

史畧存事迹後之論世紀年者所當述也秀水朱白彝尊

靖難君臣改修明太祖實錄因方孝孺而其父克勤循吏也乃沒其實黃觀景清修書傳會選而削其名且誣方先生叩頭乞哀觀于鄭麟趾高麗史夢周圖李成桂不克為芳遠所殺芳遠猶和贈官易名麟趾等亦直書其事是篡竊之芳遠賢于長陵而下國之史官勝于楊士奇輩多矣可歎也夫錫鬯載記